

17.25 CUNTRASTS SIN SRF 1

Heinrich Schmid – Il bab dal rumantsch grischun

Sch'el n'avess betg interess vi dal relasch da Heinrich Schmid? Ina Whatsapp cun quella dumonda ha sveglià la mirveglia da l'autur Casper Nicca. Heinrich Schmid (1921-1999) era il professor da Turitg che ha creà la basa per il rumantsch grischun, quasi il bab dal rumantsch grischun. El è pia quel uman che ha influenzà la Rumantschia ils davos 40 onns sco paucs auters. Ma tgi era quel Heinrich Schmid?



Partent dal relasch da Heinrich Schmid va Casper Nicca en il film per ils «Cuntrasts» a la tschertga dals fastizs dal professor prest emblidà. El discorra cun ils protagonistas da lezzas uras, cun studentas ed enconuschents da Heinrich Schmid dal temp, cura ch'il rumantsch grischun è vegnì stgaffì. Ed el senta: il professor da la Bassa, ch'era in scheni da linguas, malgrà ch'el udiva mal, n'è betg emblidà ed el sveglia anc oz las emoziuns da quels che enconuschevan el.